

安定縣志  
貳

陕西省图书馆藏	
书号	D 631-110
登记号	41 12685
00788	

安定縣志

第貳

秩祀志卷三

廟宇邱墓

壇墳附

寺觀

廟宇

祠宇在祀典不係

及奉

而建而在縣城巨鎮規模洪大者並

志亦有未奉

志亦有不編載

志之他

聖廟在縣城東門內坐北向南

舊制大成殿五楹

東西廡各五楹

戟門三楹左右各

一楹

櫺星門三楹

左右義路禮門二坊

前建照壁

今照壁移於泮池之南

大門外左德配天地坊

右道

貫古今坊泮池在大街南

尊經閣在北城上久廢

敬一亭在廟左崇聖祠後久廢

射圃

倉廩俱廢

明

倫堂五間 博文約禮二間各五間在明倫堂左右今廢  
崇聖祠在廟左雍正元年改啟聖為崇聖追封孔子五代王  
爵

按碑記並各志聖廟與學官創自元代始基於縣治右至  
元四年知縣段允恭建明洪武二年主簿羅懋重修宣德  
九年知縣劉整因地址湫隘移建於大街城東北隅坐北  
向南建大成殿五間東西廡十間戟門三間學堂齋舍俱  
備爰鑄鐘勒銘為諸生勸而神龕並櫺星門三座則縣丞  
馬睽所修也正統十四年知縣正淇又各為增葺之成化

十二年知縣徐彬重修文廟創建射圃各六座一座號房

二十間齋堂儒林坊亦次第告成廢今俱後知縣范盈出俸

鑄銅祭器今無存年月亦不可考嘉靖十年知縣郭廷臣

既新聖廟又遷明倫堂於南百步許四十三年知縣孫璜

修理城社而廟與學亦各以次增飾焉萬曆二十二年知

縣粘鍾崑從堪輿家言將移廟於北山下工未成而去二

十六年知縣高天命至以廟學俱遷其費侈分而為兩又

不協於制乃因故址開拓修整廟廡門壁俱完善復遷敬

一亭於啟聖祠之後啟聖祠建自嘉靖二年茅鸞為令時

至此亦煥然重新矣舊址敬一亭在城北與鳳翼山正對  
圻而西為明倫堂堂東向後為學宅亭既遷則堂可南  
向並遷學宅於廟後因以學宅移址作射圃其與儒林坊  
鼎立者又有名宦鄉賢二祠三十五年知縣喬鐘秀重新  
學校於北城上建尊經閣又開泮池於廟前街南四十六  
年知縣陳應龍題其壁曰鳳翔千仞意取鳳山九級連雲  
之義也崇正六年知縣張文耀買民地至南城下將為儒  
林坊開雲路未及竣兵燹後廟學俱圯

國朝順治八年知縣李嘉允置民房五間為修明倫堂材料

計工未興陞任去康熙二年知縣張洪謨重修文廟工與  
創建等八年知縣朱尚義重建明倫堂十三年知縣揚蘊  
修建兩齋又建雲路於堂前氣象宏敞直接丹梯二十七  
年知縣張鼎新重修泮池三十九年縣知董一薰重修文  
廟因門臨衢遠塵氛慕禱創建義路禮門二坊屏以照壁  
三十九年膚施令郭公朝佐署縣事重修明倫堂並為通  
庠贈匾曰端方四十三年朱尚義奉

旨八名宦而名宦鄉賢祠久廢公仲子時為寧夏同知捐俸  
百金兩祠並建四十六年知縣廖君以啟聖祠歲久剝落

舊址亦卑陋增築之五十二年訓導張迪翁至先是學署  
久廢歷任廣文僦居民屋無寧宇公謀之廖公均捐俸首  
倡紳士亦樂從各捐一金創修石室三孔案房三間兩齋  
門房頓改舊觀雍正二年知縣施成澤歸自軍前重修文  
廟磚砌正殿左右內外皆修整乾隆十二年夏高士超來  
宰定邑甫下車聖廟破漏兩廡水淤泮池一區短垣倒  
壞為灰土所擁積遂慨然以捐修為己任廟廡乃復完整  
二十四年知縣李鳳起四十八年知縣趙宜喜前後亦陸  
續修築嘉慶四年訓導王增第南移明倫堂六七丈因貲



用不敷改為三間道光十二年知縣唐廷鈺重修大成殿  
崇聖祠泮池照壁各工完善二十五年訓導米毓璋甫蒞  
任以學署多年坍塌不可居處乃捐貲增修內外前後煥  
然一新又於戟門左右捐修名宦祠鄉賢祠此則廟學修  
建之大凡也

名宦祠在戟門左

崇祠諸人  
見循良傳

鄉賢祠在戟門右

崇祠諸人  
見列傳

今俱廢訓導米毓璋移建於舊

址之前數武

忠孝節義祠在崇聖祠後雍正七年建今廢

凡入祠者具見  
列傳列女傳

文昌祠舊在東城上角樓明萬曆年知縣喬鍾秀建於文筆山崇正年廢天啟年知縣陳應龍建行祠於山下

國朝康熙年知縣張鼎新移建於山上後又於山上建祠有道光壬寅年知縣康象書匾額並碑記可考

魁星樓在廟學前南城角上邑令喬鍾秀建

五魁樓在城東三里西向

關帝廟二一在東關朝陽門內朔望行香於此一在東關外與石宮寺隔河對峙殿宇輝煌為一邑巨觀知縣邱雲肇

修春秋祀事

關帝三代祠在東關外廟內右院雍正三年追封三代公爵  
城隍廟在城內大街道北建自洪武年主簿羅懋督修萬曆  
年邑令邱雲肇重修乾隆十四年邑令高士超重修 考  
明洪武元年戊申詔封天下城隍神在應天府以帝帝開  
封臨濠太平府和滁二州者以王凡府州縣者以公以侯  
以伯安定城隍神勅封顯佑伯

娘娘廟在城隍廟左邑令王右德建高士超捐俸重修

財神廟二一在城隍左一在迎旭門內內迎旭門內廟舊本

德政祠邑邑士民私祀知縣事王令匯張令鼎新後移入名

宦祠遂改舊祠為財神廟

東嶽廟遺址在西街道北

真武廟二一在西門外明洪治年縣令徐彬建雍正八年重修一在楊家山之麓

火神廟在火神廟東首西向南向

田神廟在火神廟東首西向

馬神廟在縣東門外龍溪橋之東舊址城內順治年邑令王

匯移修

龍王廟在縣東三里建自明時樹木陰翳為禱雨之所邑令

廖均以廟貌卑陋非重農祈穀意因舊址建正殿三間獻  
殿三間門坊環堵堅緻華敞足歷永久

小龍王廟在拱極門外相傳大旱時羣小兒壘神龕於河中  
大石上禱雨即應山水暴漲漫過大石上水退餘皆冲沒  
而神龕猶巋然獨存人以故奇之立廟於河上以小龍王  
祀之今朔望行香於此

土地祠在縣署大門內右

二郎廟在錦屏山之巔順治年邑令王滙移東關內康熙年  
邑令張鼎新仍移山上考府舊志明英宗北狩夢一金甲

神護行幃帝問之對曰臣宋將李顯忠也見居保安因勅  
封順惠王爵命保安安定安塞歲時致祭其子二郎三郎  
俱有廟在保安今清澗綏德亦有二郎山按此則安定應  
祀順惠王今祀二郎且號楊二郎又誤為俗傳封神演義  
之楊戩矣按奉祀二郎神牌祭文  
皆稱赤城王不知何據

八蜡祠舊廟在城東三里康熙六十一年鼠災邑令施成澤

禱之有應因舊廟狹隘卜地於河北創建祠宇春秋祈報

於斯舊祀仍不廢考禮記八蜡註一先嗇主神農二祠

嗇后稷三農謂田畯四邇表畷蓋田畯督約百姓閭井之

處五猶虎迎其神也六坊坊隄也以蓄水亦以障水七水

庸庸溝也以受水亦以洩水八昆蟲蟻螾之屬

牛王廟在舊八蜡祠左

### 寺觀

石宮寺在縣東二里

即大普濟寺下  
內有萬佛巖南

蕭寺在石宮寺之右

濟一名小寺以別大普  
禪寺也見碑記

斜溪寺在縣東北六十里明洪武初改為廣教院

栢山寺在縣北八十里

名興  
龍寺

黑山寺在縣南四十里

中原寺在瓦窰堡中原山上

成武寺在瓦窰堡河東

魏家寺在縣東北六十里一名龍泉寺

按白氏志畧魏佛本縣人修養四十餘年

自積薪以火焚身心凝一小像堅若金石因而建寺

觀音閣三一在城內今移東關城內關帝廟西一在迎旭門

城上後移城下一在拱極門外

迎祥觀在縣東八里明洪武年建久廢

聖菴院在瓦窰堡東北久廢

壇壝



風雲雷雨壇在東關仁和門外

社稷壇在西門外河北之西

厲壇在西門外北北

先龍壇雍正五年建於縣東郊藉田四畝九分

### 邱墓

明

藍總兵名失傳墓在縣東郭

楊總兵佐墓在縣西古丹頭城外三里許

或云總兵祖墓

知縣白清墓在縣東三里許

知縣孫緒墓在縣東三里許焦家溝門口  
鄉賢薛文周在縣西北二里許

國朝

知州王鴻薦墓在縣西北二里許

知縣南儀墓在縣西北一里許

知府王以清墓在縣西北二里許

叅將史譽墓在縣東五里鋪

進士南宏緒墓在縣西三十里守清峪

知縣南曰京墓在縣西三十里守經峪

即守青峪

知縣劉凝鼎墓在縣北一里許

知縣任在陞墓在北南家溝之韓家山

前任安定縣之典史俞志棟墓在縣北二里許

前任安定縣典史王建霖墓在縣西二里許

按祭使經歷薛廷謨墓在縣東五里

舉人南芹墓在西門外

附疑塚

按潘林在縣南蟠龍山上相傳有潘太師墓或曰宋潘美考  
宋史本傳雍熙三年五月都部署潘美等奉命擊契丹至至

辨方陣於陳家谷口則美曾至延榆等地但美非陝人又  
未聞宦終於陝其墓為傳訛無疑今洛陽陳留俱有美墓  
或曰元人未知何指

田賦志卷四

征賦倉儲

稅課附鹽法

戶口蠲免

丁賦附物產

征賦今冊

賦稅戶口倉儲新舊府志並縣舊志多不符今志悉遵今冊餘不備載

考會典云丈量地畝以部頒弓尺廣一步縱二百四十步為

畝方廣十五步縱十六步百畝為頃安定地皆峰崖委蛇崩劣不可

以頃計畝業耕者大率以牛耕自辰至午為一晌名曰一

場約地計一場不及川原一二畝之久志載頃畝者者冊

籍相承不敢異也

實熟地一百二十六頃三十三畝八分二釐六毫八絲二忽

共徵本色起運糧一百九十八石一斗四升六勺八抄五撮

五圭二粟八粒六顆

共徵折色銀一千四百一十九兩二分三釐

存留銀八百七十四兩二錢二分三釐

起運銀五百四十四兩八錢

額外課程銀三兩四錢八分六釐

遇閏加增銀二十四兩一錢一分

附稅課今冊

畜稅銀九兩一錢八分

牙稅銀一兩八分

當稅銀三十兩

地稅銀一十五兩六分

戶口 今冊

考會典云人丁計口出銀以代徭役前代相沿載在版籍者  
曰徭銀康熙五十一年奉

恩詔以康熙五十年編冊為率永免增丁之賦丁有滋生而

徭無加額與至渥也安定戶口前明以來舊志所載本屬

寒瘼又相彙以兵燹十不留其二三今自道光二十年後

清釐保甲烟戶冊共得一萬七千有奇計口八萬五千戶  
有奇承平日久生齒繁多具見

聖世休養生息之盛

縣城共土著烟戶六百三十一戶共男婦大小二千七百零  
六口共客戶二十三戶共男婦大小一百口

東鄉共土著烟戶四千二百五十二戶共男婦大小二萬六  
百六十六口共客戶二十一戶共男婦大小一百一十八

口

西鄉共土著烟戶三千九百四十三戶共男婦大小二萬一



千二十九口共客戶四戶共男婦大小十九口

南鄉共土著烟戶三千五百九十三戶共男婦大小二萬九百一十四口共客戶五戶共男婦大小十七口

北鄉共土著烟戶四千六百戶共男婦大小二萬六十三口共客戶十三戶共男婦大小三十口

縣城及四鄉共土著並寄籍一萬七千零八十五戶共男婦大小八萬五千六百六十二口

附丁賦

按府新志安定縣屬共二里分為四鄉 東鄉秦寧里豐樂

里編為三百八十三牌應差 西鄉泰寧里編為二百五

十六牌應差 南鄉泰寧里編為二百七十九牌應差

北鄉豐樂里編為三百六十一牌應差

倉諸今冊

南倉在昔寅賓館右共房一十八間現儲存京斗穀二千二百一十一石三斗七升三合五勺

西倉在街西道北共房二十二間現存貯京斗穀三千八百六十五石

道光二十五年奉文買補京斗穀五千石

以上二倉道光二十五年重建

社倉十處共貯京斗穀一千四百二十六石二斗一升九合

冊縣

一在縣城內

一在李家川

一在楊家園

一在瓦窰堡

一在南溝岔

一在郝家川

一在白家崖

一在楊家溝

每座六間共八座四十八間雍正九年知縣吳瑛建

一在盤龍鎮

一在澗浴岔

二座乾隆十四年增建

以上本  
新府志

鹽法

引額 舊志原額鹽引八百六十四道遇閏加引七十二道  
課額 舊府志課銀二百二十一兩一錢八分四釐

按安定與膚施安塞等縣食鹽花馬池從古無商販百姓  
自行辦課駝鹽銷引上不誤國下不病民至便也康熙四  
十年間曾有富商包商販鹽鹽價騰貴大不便於民爰合  
詞公額於太守孫公川乃得如舊例

包商係定  
邊富紳也

蠲免

攻會典云年不順成命有司察其實而蠲其租賦視被災之

輕重以別其宜蠲之數被災十分者蠲賦十分之七九分者蠲賦十分之六八分者蠲賦十分之四七分者蠲賦十分之二六分五分者蠲賦十分之一安定地處邊隅災荒屢告蠲免之令疊荷

恩綸順治年間冊籍無致謹舊府志舊志所載及近年所頒行者恭錄之誌我

國家厚澤深仁有加無已之至意

康熙二十七年實徵起存銀金數蠲免

康熙三十一年實徵起存銀金數蠲免

康熙三十六年實徵起存銀全數蠲免

康熙五十一年實徵起存銀全數蠲免

康熙五十六年實徵起存銀全數蠲免並蠲免本色糧

康熙五十八年實徵起存銀全數蠲免

康熙五十九年實徵起存銀全數蠲免并蠲免本色糧

康熙六十年實徵起存銀全數蠲免并停徵本色糧

雍正元年積年民欠及康熙六十年停徵本色糧全行蠲免

雍正五年通省均丁以糧攤入丁銀安定縣共減銀九百七

十九兩六錢二分五釐

雍正八年兩次蠲免錢糧共六百一兩零

乾隆三十一年豁免乾隆二十一年至二十五年歷次民欠

常平糧石共京斗穀四千六百三十三石五斗京斗穀二

千四百一十五石四斗

乾隆三十六年豁免地丁錢糧銀一千三百六十九兩四釐

兵糧一百九十八石一斗四升七勺

乾隆四十二年豁免十社逃亡無力完納共京斗穀本色穀四

千七百零四石七斗五升

乾隆四十三年蠲免地丁連閏錢糧銀一千四百四十三兩

一錢三分三釐兵糧一百九十八石一斗四

嘉慶年及道光初年蠲免十餘次冊籍無考

光緒十六年豁免道光十年以前民欠常平倉

零一十三石六斗九升

道光二十五年豁免道光二十年以前民欠常平倉京斗穀

二千二百五十三石一斗五升籽種口糧銀三千九百八

十二兩六錢三分七釐

物產

穀類



粟土人謂之穀碾為小米許慎云古者以粟為黍稷粱秫之

總稱一種白色者性涼俗名涼穀子

粱亦粟類也穗大毛長粒粗名醫別錄有白粱黃粱青粱之

名

秫粟之黏者土人呼為酒穀本草衍義秫性最黏宜作酒爾

雅孫炎註謂秫為黏粟

黍稷之黏者土人呼為軟糜有丹黑灰黃白數色米可釀酒

作糕說文黍暑也當暑而生暑盡而獲

稷黍之不黏者土人呼為硬糜亦有數色炒乾碾米食甚佳

俗名炒米未炒者曰黃米說文稷乃五穀之長

高粱一名蘆稔土人呼為稻黍分軟硬二種稍可作帚莖可

織席編籬供爨群芳譜種來自蜀一名蜀黍

玉蜀黍一名玉米俗名包穀土人呼為金稻黍

麥大小二種大麥即麩麥詩云貽我來牟來小麥麩大麥小

麥分冬春二種土人呼冬麥為宿麥前漢武帝紀勸民種

宿麥師古謂歲冬種之經歲乃熟故云宿麥

蕎麥一名烏麥實有三稜老則烏黑分甜苦二種王貞農書

云北方多種此

燕麥爾雅註謂之雀麥苗與大小麥同但穗長細而疏唐劉夢得所謂免葵燕麥動搖春風是也

芝麻一名脂麻一名油麻其種張騫得自大宛故又名胡麻沈存中筆談謂胡麻即油麻土人以亞麻為胡麻混矣

亞麻土人呼為胡麻圖經名鷓麻又名壁蝨子可榨油

大麻土人呼為小麻即火麻也又名黃麻有雌雄二種雄者

土人呼為花麻爾雅謂之臬雌者曰苴儀禮云苴麻之有

菁者

苧麻土人呼為大麻又曰老麻葉大如瓠仁榨油可調印色

本草云毒草也

大豆菽之總名董仲舒云菽大豆今按有黑黃青紅數色黑可作豉黃可作腐榨油造醬餘但可作腐並炒食

小豆有黑赤綠各種群芳譜黑名槽豆俗稱馬料豆赤入藥用田家五行十二月二十五日夜煮赤豆粥食之以驅瘟鬼綠為用甚廣群芳譜小者佳大者名植豆

白豆群芳譜一名飯豆色白亦有土黃色者

豌豆爾雅謂之戎菽管子由戎出荏菽遼志謂之回鶻豆元

時飲饅以此豆搗去皮同羊肉製食名回回豆

豇豆一名豇豆袖珍方謂能解鼠莽毒

扁豆其形小而扁一種大而白者名白扁豆不如宜川佳

蔬類

萵苣彭來墨客揮犀云自高國來故名夏抽長臺名曰萵筍  
甜苣合璧事類苣有數種色白者為白苣色紫者為紫苣此

名甜苣以別苦苣也

苦菜即苦蕒菜爾雅謂之荼名苦苣

芹菜詩咏采芹杜甫亦有香芹之句

芥菜王貞農書氣味辛烈菜中之介然者

茄蓮京師謂之撒藍能去煤毒

茄子西陽雜俎茄音加乃蓮莖之名今音若伽

白菜一名菘陸佃埤雅云菘性凌冬晚彫有松之操故名周

雍云春初早韭秋末晚菘

一種回回白形似蓮花一名蓮花菜

蔓菁劉禹錫嘉話錄諸葛亮所止令軍士種者故名又名諸葛

菜

蘿蔔即萊菔赤白二種一種小者名水蘿蔔又一種胡蘿蔔

黃赤二色群芳譜水蘿蔔出山東壽光縣者尤鬆脆又云

胡蘿蔔元時來自虜中故名

菠稜劉禹錫嘉話錄云種出頗陵國語訛為波稜耳俗名菠  
菜

蒼蓬名醫別錄謂之莽菜

青椒俗名辣子亦名辣角

蒜說文謂之葷菜

胡荽土人呼為芫荽張騫得種于西域故名胡荽後因石勒  
諱改作香荽

山蒜土人呼為小蒜爾雅謂之蒿

葱有數種群芳譜蔥不宜同蜜食

韭冬月移於土窖不見風日其葉黃嫩謂之韭味尤佳

薤一名藟 群芳譜韭之美在黃薤之美在白

按道家以韭薤蒜芸臺胡荽為五葷佛家以大蒜小蒜興  
渠蔥蔥荅蔥為五葷興渠即阿魏也煉形家以大蒜小蒜  
韭芸臺胡  
荽為五葷

苜蓿爾雅翼作木粟言其米可炊飯也漢書西域傳稱馬嗜  
苜蓿又元史食貨志世祖令種苜蓿防饑年可糧可芻其

用頗廣

小茴香即蒔蘿群芳譜其種得自佛誓國

蕨菜詩言采其蕨俗名拳菜



瓜類

菜瓜一名越瓜稍瓜

南瓜有青黃圓長數種土人以此為飯又作絲曝乾為蔬  
西壺盧形似南瓜而長味亦如之

壺盧即瓠瓜一名匏瓜 陸農詩曰項短大腹曰瓠細而合  
上曰匏似匏而肥圓者曰壺

黃瓜舊名胡瓜張騫使西域得種故名北人避石勒特諱改  
呼黃瓜俗以月令玉瓜生即此誤玉瓜土瓜也

甜瓜王貞農書有菓瓜菜瓜之分此菓瓜也禮記天子削瓜

及瓜祭皆指菓瓜

西瓜盧嶠記言嶠征回訖得此種蓋自五代始入中國

番瓜一名回回瓜種出西番

果類

桃裔經出陝西者尤大而美

杏王貞農書北方肉杏甚佳其黃而酸者曰梅杏

枣有大小二種 陸仲埤雅大曰棗小曰棘註棗性高故重

束棘性低故並束束音次

李朱黃二種御黃即黃李王貞書北方一種御黃李形大大

而肉厚核小甘香而美

林檎一名花紅土人呼沙菓洪玉父云此菓味甘能來衆禽

故又名來禽洽文記一名文林菓

唐永徽中王方言進此果賜文林郎故名

梨物類相感云梨與蘿蔔相間收藏可經年不爛梁吳均食

籒安定之梨皮薄味厚

葡萄物類相感云甘草作釘鍼葡萄立死以麝香入皮內結

子皆香

文官果廣輿記唐德宗出狩有以是果獻者遂官其人故名

土人呼為木瓜

馬乳子類黃刺梅結子似馬乳其色紫紅味甘楊廷秀詩有  
云向來馬乳太輕肥

芋廣志所載凡十四種安定惟土芋最多群芳譜云一名土  
豆

花類

牡丹東關外關帝廟最多宋歐陽修花譜延安紅牡丹紅丹  
延以西尤多土人刈以為柴

芍藥崔豹古今註云木草二種木者花大色深俗呼為牡丹  
非也

菊有數種花史五十朋園卉十八香菊為冷香一種六月菊  
有白紫粉紅

各種

玫瑰土人呼為刺梅灌生多刺有色有香可食可佩花史宋  
時宮中採花雜腦麝作香囊即此

玉簪花形似之故名漢武帝寵李夫人取玉簪搔頭後宮人  
皆效之玉簪花之名始此

鳳仙俗名指甲花子入藥名急性子宋人諱光宗李后小字  
鳳因呼為好女兒花

鷄冠種類不一蘇子瞻詩話云短鷄冠即玉樹後庭花碧鷄

漫志一名壽星鷄冠

葵花說文傾葉向日不令照其根

蜀葵爾雅謂之戎葵一名一丈紅土人呼蜀薺葉似葵花色  
紫者土人呼紫花兒可染衣

金瓊群芳譜一名長春花

燕來紅莖葉穗子並同鷄冠土人呼西米葉九月鮮紅者名  
老少年六月紅者名十樣錦

紅蓼花一名水紅花詩人謂之游龍

草類

川草一名忘憂草一名宜男草即萱草也

莎草其根即香附子古謂雀頭香江表傳魏文帝遣使于吳  
求雀頭香

艾草一名艾蒿容齋隨筆云入茯苓三五片同碾即時可作

細末

蓬草有綿蓬沙蓬二種

地丁一名狗乳草群芳譜云即蒲公英

賓蘆稠疊似竹葉莖如錐馬嗜之

馬蘭草土人呼馬蓮

龍鬚草群芳譜龍鬚草紫小瓢實虎鬚草稍麁瓢虛白

水鏡草即荇菜處處池澤有之農田餘話煮熟食其味如蜜

名曰荇酥

藻俗名鰓草葉細如絲花史藻水草之有文者

野草可芻可薪荒地皆生不能悉載

藥類

山藥即薯蕷因唐代宗名預改為薯藥又因宋英宗諱改為

山藥子名零餘子

知母爾雅謂之蘩亦名蜨母嘉祐本草云范子曰蜨母出三



輔黃白者善土人呼鬼兒草根

益母爾雅註紫花者曰藟白花者曰權一類二種閨閣事宜  
謂白為益母紫為野天麻誤

遠世志說謝安處為遠志出為小草土人呼野藟豆根  
牽牛子一名草金鈴黑白二種西陽雜俎云蔓如薯蕷

黃芩圖經言河東陝西近郡皆有

甘草名醫別錄云生河西川谷積沙山及上郡沈括筆談謂  
出河東西界今安定亦有之

麻黃名醫別錄言其根皮色黃赤長近尺

地膚子俗名獨掃子莖有赤有黃老莖可為帚

青蒿沈括夢溪筆談陝西銀綏之間蒿叢中時有一兩窠迥然青色者土人謂之香蒿

兔絲子陸佃言在木為女蘿在草為兔絲

枸杞子刺少者良沈存中筆談陝西極邊樹高無刺安定亦間有之

### 木類

柏高栢山最多人多刊伐今亦寥寥六書精蘊言衆木向陽

栢獨西指埤雅亦謂栢之指西猶針之指南也

槐縣署大堂前古槐元大德五年樹余立石為之記三朝故  
事天街兩畔多槐木俗號為槐衙

桑邑多山桑亦有種者

白楊土人呼為青楊葉圓似梨面青背白有鋸齒崔豹古今  
註謂白楊葉圓與移楊一類二種

楊爾雅謂之蒲柳其枝勁直土人呼椽柳諸書皆言水楊即  
水柳也

柳弱枝細葉絲下垂土人呼垂楊柳齊民要術元旦取柳枝

挿戶以驅百邪

榆結莢如錢可以作羹食之令人多眠嵇康養生論所謂榆  
令人曠是也皮可為粉食之療饑不損人

楸葉大而早脫故謂之楸唐時立秋日京師婦女剪楸葉為  
花勝戴之取秋意也

搏一名臭椿莊子所謂不材之木

杜梨即甘棠一名棠梨爾雅云杜甘棠即此

畜類

牛三歲二齒四歲四齒五歲六齒字林狗音苟即牛鳴也

馬亦以齒辨年潛確類書馬陽物也起先前卧先後牛陰物

也起先前卧先後陽病則陰勝故馬疾則卧陰疾則陽勝  
故牛病則立

羸俗作騾一名馱馱說文云驢父馬母曰羸馬父驢母曰馱  
馱

驢爾雅翼馬力在膊羸力在腰驢力在臚故何承天纂文驢  
鳴曰歐歐音意啞一曰蹇杜詩蹇驢破帽無金鞍一名衛  
說文衛地出驢故名

羊小尾曰山羊多黑大尾曰綿羊多白潛確類書咩音弭羊  
鳴也玉篇咩音也

犬三才圖會犬有三種一曰田犬二曰吠犬三曰食犬猶菜牛也

豕人家多畜之以供歲時慶賀往來餽送猶有私從獻豨之意集韻噓噓呼猪聲字典噓音盧

猫一名狸奴陸游詩狸奴羶煖夜相親

鷄集韻呌呼鷄聲音周說文以呌以州作呌聲讀若祝呼鷄

重言之

鴨禽經鴨鳴鴨其名自呼

禽類

山鷄類斑鳩而毛文小異紅嘴足可為窓禽爾雅謂鷄鷄為  
山鷄乃別一種

鵲靈能報喜故稱喜鵲天寶遺事時人家聞喜鵲聲皆為吉

兆曰靈鵲報喜

鵲白項者曰燕烏紅嘴者曰山烏禽經燕烏反哺白脰不祥  
師曠亦以白項者為不祥

鴿山堂肆考鴿亦鳩屬

鳩本草集解雉呼晴鳩呼雨

燕瑣碎錄燕巢人家其巢有戶向內及長過尺者主其家吉

祥爾雅燕乙也

瓦雀一名麻雀

慈鳥說文名孝鳥禽經言反哺六十日

布穀即鳩鳩可為農候揚雄傳注布穀一名買銳又其聲曰

家家散穀

戴勝土人呼為臊鴟鳩

啄木爾雅名鴛禽經謂鴛志在木是也

蝙蝠爾雅蝙蝠服翼

獸類



狼性貪善顧皮可作裘

狐俾雅狐性善疑

狸俗名野猫韓非子使鷄司夜令狸執鼠

兔事類合璧云兔舐雄毫而孕

瞎回百感錄云西北有獸類黃鼠短喙無目性狡善聽聞人足音輒逃匿土人呼為瞎回一呼瞎撞

田鼠最為田害月令田鼠化為鴛

吉靈鼠屬府志云蒼質白文走甚駛取皮以佩小兒辟不祥今鄉音轉吉靈為格利

黃腰似豹而小腰以上黃以下黑俗名黃腰西陽雜俎云黃腰一名唐已

鼯鼠一名甘口鼠鼠之小者爾雅云有螫毒

黃鼠一名禮鼠韓文謂禮鼠拱而立者即此

蟲魚類

蛙一名蠓蠃俗名田鷄形似蝦蟇俗以三月三日聽其聲午  
前鳴者高田熟午後鳴者低田熟唐張孝標詩云田家無  
五行水旱卜蛙聲

蝦蟆本草蝦蟇能跳蟾蜍不能跳

蜂種類不一束皙發蒙記蠅生積灰蜂出蜘蛛埤雅蜂有君  
臣之義

鼠婦生下濕處及甕底土坎中多足詩云蚍蜉在室俗名破  
鞋底即鼠婦也

蜥蜴土人呼為蛇鼠子埤雅及夷堅志謂能吐電

蠶南方一歲有七出八出者北方地寒桑葉遲生蠶成亦晚  
蠶許慎云蠶尾蟲也性畏蝸牛

蛇荒地間有之

焦螟列子江浦之間生麼蟲名曰焦螟土人呼麼子

蚰蜒多生牆屋爛草中淮南子謂菖蒲去蚤蝨而來蛉蛭即此物也

襍產類

石板厚者作碑薄者代瓦

石灰名醫別錄謂之石堊

火石河邊有之

石炭出地窰中有厚至四五尺者取之不盡

墨玉出魏家灣性似木黑而輕可雕作玩器

試金石清澗志原出安定水中間有漂至者

茶劉廷璣雜記謂之烟草有大小葉二種

絲繅蘇白二種

羊毛羊羢作氈物最佳

羊皮有黑白二種

燒酒出瓦窰堡者佳

蜂蜜圖經言雍洛間有梨花蜜白如凝脂安定間有之

蜜蠟圖經言合黎咀嚙即易爛

席編盧及蜀黍莖為之

職官志卷五

封建表

文官表

循良傳

職官採自府志並各廟碑記年分貫籍無徵者闕以

俟考其政績顯著者纂入列傳事實無考而舊志祇

載評語者附於秩官名姓

之下不立傳所以徵信也

封建表

上古

漢

明

橋

安定侯

安定王尚炳

蘇轍古史考橋黃

劉賢燕刺王子宣

名山藏秦愍王第

帝後姬姓

通志

帝時封傅子延年

六子永樂十六年

黃帝葬於橋子孫

孫昱免本府舊志

以罪廢為庶人註



金

大興中

張

亨

鄒陰進士  
見循良傳

尹

元史上縣秩從六品  
達魯花赤一員  
一員中縣秩正七品  
下縣秩從七品

元

段允恭

學創建宮

王甫

至正中

李德源

見循良傳

劉珍

張邦猷

兼諸軍奧魯勸農使

速忽都

達魯花赤



明

知縣 讀文獻通考明太祖初上縣知縣從六品中縣正七品下縣從七品後並改正七品 國朝因之

塔刺海 兼諸軍與勸農使

洪武十三年

廉秉直

黃惠 福建人清慎公勤調廬江知縣

方叔元 直隸人廉能簡易廢墜修舉

宋秉珪

劉整 山西孟縣進士見循良傳

鄭淇 山東汶上縣人 有廉聲增葺學宮陞南京光祿寺丞

李巖  
博平人政平法  
巖清苦自甘

郭演

徐彬  
河南榮陽縣舉人保障民人重  
修文廟治功顯著去後民思之

杜讓  
據府志載入通志又云  
係甘肅鞏昌府安定令

王道  
江西廬陵縣人廉能著聞

曹銘  
山東臨清州人見循良傳

陳言  
河南信陽州人

劉鑑  
河南陳州舉人見循良傳

王溥  
遷安舉人政治公平愛  
民如子陞寧羗知州

楊岱 山西太平府人 才識明決優於

范盈盈 直隸曲陽縣人 見循良傳

宏治十七年

張本

徐廷璜

李燁 河南嘉縣人 獲

正德十六年

莊文學 山東舉人

嘉靖元年

茅鸞 舉人

四年

羅翼 四川人

六年

郭廷仁 山西蒲州舉人 振興學校士子愛戴

九年 吳 綱 河南高縣  
恩貢生

十四年 茅 鑑 南直丹徒  
縣恩貢生

十七年 聶從仁 河南萬  
縣舉人

十九年 和 清 山西平定州  
州舉人

二十二年 李 時 北直魏  
縣貢生

二十七年 郝光先 山西臨縣  
恩貢生

二十九年 李恩霽 北直永  
年縣人

三十二年 楊冀龍 河南襄城  
縣舉人

三十五年 李 曉 山東德州  
恩貢生

三十七年

田應弼

北直鷄澤縣舉人有善政民思之稱頌不衰

四十三年

孫璜

河南洛陽縣舉人修理城社增飾學宮政績玉著

隆慶二年

尚

魁

山西高平縣舉人

五年

高官鑑

四川嘉定府舉人

八年

高自修

萬曆五年

趙化

河南陝州恩貢生

李思睿

六年

傅第

四川太寧恩貢生

九年

安邦策

山西嵐縣恩貢生

十三年

張士元

山西蒲州人

呂洙

山西澤州舉人

十七年

王光祖

河南南陽府舉人見循良傳

二十二年

粘鐘崑

福建晉江縣舉人清介無比

二十六年

高天命

河南陝州舉人崇學校愛編氓恩威並用陞知州

三十年

邱雲肇

山東諸城縣進士作興人才大政聲陞南京大理寺右評士

三十四年

喬鐘秀

山西定襄縣恩貢生振興學校有功城社

四十年

趙心靜

舉人

四十二年

魏天命

舉人

四十六年

陳應龍 四川內江縣舉人

天啟二年

曹更新

三年

王慶遠 山東臨邑縣恩貢生見循良傳

六年

符治朝 選貢

崇正五年

李永植 山西舉人

六年

張文耀 雲南舉人慈祥多才能民稱頌之

八年

盧宗德 遼東貢生

十年

胡燔 山東貢生捐俸賑饑恩咸並用賢者稱其德不肖者服其誠

十三年

蔡任 湖廣武昌府舉人

國朝

順治三年

趙 樾

山海關貢生陞  
鞏昌府通判

五年

曹邦澄

順天宛平  
縣選貢

七年

李嘉允

江南泰州進  
士見循良傳

十一年

王滙滙

河南儀封縣進  
士見循良傳

十三年

張洪謨

遼東貢生修理學宮百  
廢俱舉陞泗州知州

康熙四年

朱尚義

遼東義州貢  
生見循良傳

八年

楊 蘊

山東諸城縣進士  
整理學宮轉中書

十七年

董燁秋

山東壽光縣貢  
生修理衙署



十九年

王友德

遼東官學生陞雲南馬龍州知州累官工部員外郎

二十一年

董一蕙

直隸大名縣進士見循良傳

二十七年

張鼎新

直隸大名縣進士見循良傳

四十年

余大鵠

廣東博羅縣舉人優於文學勤課士子

四十四年

蔣尚翊

廣西全州舉人

四十六年

廖均

福建上杭縣舉人見循良傳

向兆麟

湖廣京山縣舉人署縣事見循良傳

五十五年

施成澤

四川簡州舉人補葺衙署修理文廟以軍功陞衡州府同知

雍正三年

戴宏滋

浙江錢塘進士清廉著名

五年

馬伍梅

山西汾陽縣貢生

八年

吳英

山東歷城縣人見循良傳

十一年

董三錫

浙江興學校調任長安

乾隆七年

張中行

山西舉人仁明廉靜改署同官

八年

尹崇源

四川舉人

九年

唐貞一

江西監生外剛內和署任未久

十年

高士超

浙江湖州府進士見循良傳

十八年

郭學成

江西舉人

二十二年

李鳳起

江西例貢生修築學宮

二十六年

凌洪鈞

浙江舉人

二十七年

蔣振閣

廣西舉人

二十九年

邱佐

安徽例貢生

三十六年

任文浦

江西拔貢

四十三年

葉正揚

廣東新興縣副貢生見循良傳

四十七年

楊振藻

雲南舉人

四十八年

趙宜善

江西南豐縣人修築學宮

五十二年

王廷桂

直隸副貢生

五十五年

邵前徽

四川舉人

嘉慶年

六十年

周冲舉廣東人

陶杏桂舉廣西人

楊松渠中州人見循良傳

十年

陳瑞江蘇武進縣人廉明仁慈士民感戴

十六年

易煥暄進士

十七年

瑞書蕲人

十八年

秦達泉江蘇無錫縣人

二十年

萬起魁雲南進士

二十二年

徐廷琛江南人

道光年

唐廷鈺  
廣西桂林縣舉人  
修聖廟多所樹立

五年

李超凡  
山西進士

六年

郎發英  
山西代州人

十四年

許麗京  
浙江桐城縣進士

十五年

薩慶棻  
福建舉人

周煥寓  
江西人

十六年

許瀛  
安徽貢生拔

十九年

趙紹武  
甘肅進士

二十年

傅德謙  
直隸舉人

二十一年 康象書 山東進士

二十二年 張自植 甘肅靈臺縣進士 更名志提

二十三年 斌雲 蒲州正白祈人

二十四年 王之昶 江蘇舉人

二十五年 姚國齡 廣東番禺縣人

二十六年 韓懋 順天宛平舉人

縣丞 按元制中縣下縣不置丞 安定  
明置縣丞 國朝順治九年裁

明

洪武

王權

宣德九年

李倫  
馬騃

正統七年

柴林  
河南新安縣人見循良傳

主簿續文獻通考元上縣丞簿尉各一人民少事簡  
之地以簿兼尉按府志安定主簿洪武年裁

洪武二年

羅懋  
修理學宮

十九年

郭經

典史續文獻通考元丞簿尉外置典史明不置尉置典史一員  
國朝因之

元

大德五年

王

亮  
監修  
署

至元二十五年

劉

珣

明

天順三年

萬

林

宏治十七年

張

泰

嘉靖二年

韓

威

九年

王

廷臣

十二年

劉

鐸

十六年

郭

喬



十七年

喬民表

二十一年

李唐

三十年

王元

三十七年

姜的成

四十一年

熊萬慶

隆慶元年

吳瑞

萬曆十一年

王志卿

十七年

閻一經

二十二年

劉廷美

二十九年 張化民

郜良輔

三十五年 楊宗柱

四十六年 郭守芳

天啟二年 陳言

五年 陳案

崇正三年 楊光大

十一年 林嘉惠

十四年 陳天相

國朝

順治三年

唐高元

浙江人

十二年

羅鴻翔

浙江上虞縣人

十四年

陳漢岡

江西南長州人

康熙元年

何士俊

浙江山陰縣人

十五年

任一中

順天大興縣人

十七年

陳正銓

浙江餘姚縣人

二十五年

王進謙

山西安邑縣人

三十七年

胡爾慎

安徽石埭縣人

劉誠  
河南人

四十一年

何賡堯  
浙江富陽縣人

四十六年

張在中  
浙江山陰縣人  
陰縣愷惻明斷  
建捕署有政聲

乾隆元年

陳廷楷  
直隸天津縣人  
吏員

十年

俞志棟  
浙江寧波府人  
內閣供事

熊國典  
湖南湘潭縣監生

三十一年

彭蕙田  
河南歸德人

蔡宏誥  
順天宛平縣人

四十年

張星  
山西洪峒縣人

嘉慶年

譚杞芝  
湖南人

陳鏞

屠煥  
江蘇人

趙德淑  
直隸深州人

裘邦  
浙江人

溫廣祚  
山西汾陽縣人

蔡立仁  
江西廬陵縣人

何雲階

劉紹勳  
直隸天津縣人

道光年

朱文杰

順天大興縣人

王建采

江蘇直隸州人  
元縣人剛  
增修捕署

十七年

周榮昌

江蘇揚州府人

教諭

按明制府謂之教授州謂之學正縣謂之教諭為

裁留訓導一員

明

洪武中

馮建中

宏治中

文龍

宣德中

王榮

成化九年

許

進

河南靈寶縣人見循良傳

十二年

張

敏

十六年

朱本善

見循良傳

正德中

陳

蘭

冉寅東

四川內江縣舉人學優教嚴清苦自甘

嘉靖四年

王博

涪陵人

七年

余廷黃

十一年

劉車任

李招

十九年

孔江

二十六年

張永廉

三十三年

郝輯

四十年

喬宮

隆慶三年

李迎時

萬曆十一年

溫世官

十八年

王佐

二十年

王可

二十七年

張邦右



三十九年 丁汝彥

胡汝臣

天啟元年 安汝智

四年 王亮

崇正十年 脫于辛

十三年 李國柱

國朝

順治八年 王道行 姚州人

十一年 鄭圖南 邠州人

十六年

李國貞

榆林縣人

十八年

衛熙臣

韓城縣人

訓導

明

洪武中

楊九萬

宏治中

沈清

趙必聰

王信

正德中

譚江

嘉靖四年

李養民

河南通許人  
載碑記

八年

翟文

十四年

裴從仁

十六年

張鏜

十九年

陳懷學

二十五年

王之光

三十一年

金相

三十九年

陳瑞

四十二年

梁宸

萬曆十年

朱文魁

十七年

韓鵠

二十年

宋逢春

二十二年

姚仁

二十九年

安邦

三十年

李昭

三十七年

董三策

三十八年

蕭應魁

天啟四年

馮霖雨

崇正十二年

騫逢泰

十四年

孫光宗

國朝

順治三年

揚淑景  
蒲城人

康熙四年

成周  
甘肅化縣人

十三年

張明採  
甘肅安縣人

陳瑛  
甘肅寧州人

十七年

王國卿  
鄂縣人

十八年

高楨  
寶雞縣人

十九年

第五淑曾

三水縣人

二十八年

徐浩然

韓城縣人  
得士心

三十年

任中彪

臨潼縣人

三十五年

郭亮采

甘肅伏羌縣人  
優品端課士有方

四十五年

王錦

富平縣人  
精純勤課士子

五十二年

張迪翕

韓城縣人  
見循良傳

五十六年

趙綱

富平縣人

雍正三年

廖懷邦

白河縣人

四年

馬懃

乾州人

十一年

張臨冀

載致歸紳士立謙和樂易一

十三年

姚克謹

甘肅兩當縣貢生

乾隆十四年

馬如騏

高陵縣貢生

十六年

郭允康

南鄭縣貢生

十八年

薛士璣

藍屋縣貢生

二十二年

尚文

甘肅華亭縣貢生

二十八年

馬治

甘肅隴西縣貢生

二十五年

張甲第

藍田縣貢生

三十八年

雷士林

懷遠縣貢生

四十二年

龔繼勝 藍田縣歲貢生

張宗旭 韓城縣舉人

趙鶴齡 同州府貢生

王增第 蒲城縣舉人

敏晉成 甘肅洮州貢生

曹涓 神木縣貢生

趙珠 鄜縣舉人

李占鰲 甘肅貢生

嚴靜 甘肅貢生

嘉慶年

道光年



王夢元 甘肅貢生

蘇培元 褒城縣貢生

王世榮 安康縣貢生

張尊美 甘肅伏羗縣舉人

二十五年 米敏璋 蒲城縣舉人

### 武官表

明初設守禦千戶所後移駐清平堡今為延安營左哨把總  
分汛地駐防營兵八人以外委把總領之其職名大半無  
徵僅就各廟碑記暨營冊所載者志之以俟考

國朝

乾隆年駐防

劉魁

四十九年

謝家樹

膚施縣人

嘉慶二十年

楊朝芳

榆林縣人

二十三年

段武

膚施縣人

道光三年

溫子龍

四川巴州人

十四年

白金貴

榆林縣人

二十四年

李永吉

膚施縣人

循良傳

金

張亨 遼陰進士 大興中為縣令 累官至勸農採訪使 明達  
吏事 卓有可稱

元

李德源 至正中為縣尹 興學勸農 均役息訟 民立遺愛碑 崇  
祀名宦

明

劉整 山西孟縣進士 宣德年知安定 有政績 祀名宦

曹銘 山東臨清州人 知安定 修築城池 營建官署 屢官保

定通判蒲州知州

劉鑑河南陳州舉人知安定政尚寬厚不事煩苛遇災賑恤全活甚衆

朱本善甘泉訓導署學事修志書

范盈直隸曲陽人知安定持身不苟視民如子省斂薄稅嘗出俸置銅為聖廟鑄祭器士民悅服

李時北直魏縣貢生嘉靖二十二年任縣事四年套敵入犯以戰守保全居民

王光祖字標河南南陽舉人萬曆年任縣事建敬學書院著

著訓士編教士子著縣志留心民瘼大有功績祀名宦

王慶遠山東臨邑恩貢生天啟年任縣事清介絕倫精明果斷弭盜多方地方慶賴陞綏德知州民思慕之祀名宦

柴林河南新安人正統年縣丞遷米脂知縣明敏愷惻寬嚴並用祀名宦

許進進河南靈寶縣人成化年教諭持躬醇醜訓士方嚴祀名宦

國朝

李嘉允江南泰州進士順治七年任縣事時兵燹後民氣未

蘇公濟困扶危與民休息且日以昌明理學興起斯文為  
已任工書法至今有藏其真蹟者如拱壁焉著有廉說見  
藝文志

王 滙字澎濱河南儀封進士順治十三年任縣事時荒亂  
後隣邑競報開墾圖紀錄公未嘗輕報一丁以貽民害三  
邊驛站每歲私幫需銀三百兩相沿成例公力為詳請得  
永裁革待士有禮馭民以慈然人亦莫敢干以私者聽斷  
明決無留獄居二年百廢俱興民立去思碑以誌不忘  
朱尚義字質菴遼東義州拔貢康熙年任縣事政事明敏胥

吏肅清祀名宦

張迪翁韓城人康熙年訓導持躬醇醜訓士方嚴創修學署  
張鼎新字公調北直大名進士康熙年任縣事持身以廉待  
物以恕催科不擾刑罰惟平自書于內署曰左右近習之  
言勿聽胥吏悚然士民悅服稱曰生佛

廖均字予衡福建上杭舉人康熙年任縣事愛民禮士一  
本於誠公餘手不釋卷尤以作養人才為要務月課孝者  
經賞識者皆登賢書在任八年設義學建橋梁修神祠築  
城垣實心實政不可枚舉

向兆麟字石邨楚中名士以舉人歷任廣文陞洛川知縣廉  
惠著名攝安定縣事平反疑獄邑人德之城堡俱立有去  
思碑所著雲麓詩文集和李文正公陶密庵咏古樂府二  
卷行於世字畫亦有名

吳瑛山東歷城人以賢良方正保舉知縣雍正年任安定  
勤課士子優於文學修補縣志書成未梓

高士超浙江湖州進士乾隆年任縣事公正慈祥重修縣志  
亦無鐫本

葉正楊廣東興新副貢生乾隆年任縣事作縣志續編失傳



楊松渠中州人嘉慶年任縣事英明慈祥補修城垣  
傅德謙字問樵直隸舉人道光二十年署縣事振興  
育人材建筆峰書院士子肄業者甚衆

